

TEZAU LITURGIC

20 MARTIE

ACATISTUL SF. CUVIOS-MUCENIC EUFROSIN DE LA SINOEZERSK



MOSCOVA, 2000



Акафист

преподобномученику Евфросину Синозерскому

Кондак 1

Избранный уго́днице Хри́стов, сла́вный подви́жнице, преподо́бномучени́че Евфроси́не, прими́ похва́льное пе́ние, тебе́ от нас с любóвию приносимое и, предстоя́ на Небеси́ Престо́лу Пресвяты́я Трои́цы, моли́ о спасе́нии всех нас, с ве́рою зову́щих ти:

Ра́дуйся, преподо́бномучени́че Евфроси́не, пустыннолю́бче и те́плый о нас моли́твенниче.

Икос 1

Равноа́нгельскаго жити́я взыску́я, до́ма родите́льскаго и всего́ мирска́го любве́ ра́ди Бо́жия удали́вся, блаже́нне, Христу́ последовал еси́, во оби́тель Валаа́мскую всели́лся еси́ и та́мо до́бре подви́зался еси́, рабо́тая Го́сподеви день и но́щь труда́ми, поста́ми и моли́твами. Мы же, по́двиги твоя́ зря́ще, со благоговéнием поём ти:

Ра́дуйся, пусты́ннаго жити́я ревни́телю;

Ра́дуйся, пресве́тлое слепы́м прозрэ́ние;

Ра́дуйся, боголю́бия учи́телю;

Ра́дуйся, земли́ Устюже́нския украше́ние;

Ра́дуйся, всем прибега́ющим помога́яй;

Ра́дуйся, своим оте́ческим заступле́нием не оставля́яй;

Ра́дуйся, подви́жников пресвѣ́тлая похва́ло,

Ра́дуйся, му́чеников сла́во;

Ра́дуйся, преподо́бномучени́че Евфроси́не, пустыннолю́бче и те́плый о нас моли́твенниче.

Кондак 2

Ви́дя тя Госпо́дь сосу́д избра́н, прозрѣв ты поборо́ника ве́ры в грядуще́е времена́ тяжкая́ для земли́ Ру́сской, Влады́ка всех ты к бу́дущему вели́кому служе́нию в Вели́ком Новогра́де уготовля́л еси́. Ты же, в добродѣ́телях возраста́я, с любóвию воспева́л еси́ Е́му: Аллилу́иа.

Икос 2

Ра́зум благи́й стяжа́в, моли́твеннаго уедине́ния ища́, бежа́л еси́ собла́знов многолю́днаго гра́да в весь До́лосскую, да́ в простоте́ и ти́шине́ богоуго́дно поживе́ши и чтеце́м во хра́ме Бо́гу послужи́ши. Мы же, зря́ще ты не о земных

вещѣх, но о небѣсномъ непрестанно помысляюща,
глаголемъ ти сице:

Радуйся, Бога паче всехъ красотъ мира сего
возлюбивый;

Радуйся, велѣниемъ Божиимъ в веси Долосстей
трудивыйся;

Радуйся, Богу угодивый;

Радуйся, прелестямъ суетнаго мира не
покоривыйся;

Радуйся, жития постническаго возделевый;

Радуйся, нищету дѹха усвоивый;

Радуйся, на Господа упованіе выну имевый;

Радуйся, Царствія Небеснаго сподобивыйся;

Радуйся, преподобномучениче Евфросине,
пустыннолюбче и теплый о нас молитвенниче.

Кондак 3

Сила Божія осени ты, егда житію преподобныхъ
отцевъ ревнѹя, подвиговъ иноческаго поприща
возделевая, во обитель Тихвинскую стопы своя
направилъ еси, идеже и постригъ приятъ. Научи и
насъ единому Богу служити, непрестанно взывая
Емѹ: Аллилуиа.

Икос 3

Име́й вѣну́ в уме́ своѣмъ Го́спода и мы́сль ка́ко
Ему́ угоди́ти, посто́м, смире́нным игу́мену и
бра́тии послуша́нием, усѣрдными́ труда́ми с
любо́вию Бо́гу служи́л еси́ в простоте́ серде́чной.
Мы же, по́двига́м твои́м дивя́щеся, ублажа́ем тя
та́ко:

Ра́дуйся, на крыле́х моли́твы к Бо́гу возлете́вый;

Ра́дуйся, вѣтхаго́ челове́ка с себѣ́ совле́кий;

Ра́дуйся, непреста́нно свою́ земну́ю кончи́ну
пред очима́ име́вый;

Ра́дуйся, обе́ты цело́му́дрія, послуша́ния и
нищеты́ испо́лнивый;

Ра́дуйся, чтѣ́нием Сло́ва Бо́жия ум на ка́мени
вѣры́ утверди́вый;

Ра́дуйся, от Бо́га дар прозорли́вости прия́вый;

Ра́дуйся, стра́сти укроти́вый;

Ра́дуйся, сла́дость смире́ния позна́вый;

Ра́дуйся, преподо́бному́чениче Евфроси́не,
пустыннолю́бче и те́плый о нас моли́твенниче.

Кондак 4

Бури греховныя тебе не потопиша, преславне отче Евфросине, все житие твое служению Богу посвятил еси, себе в храм Божий уготовал еси. Таможе благослови Христос устроить святую обитель, идеже ты непрестанно моляся Господу, зывал еси: Аллилуиа.

Икос 4

Слышав о суровом пустынноическом житии, возжелал еси уйти в пустыню спасительную, и, игумена благословение получив, из Тихвинския обители в место пустынное притекл еси, рукою Господнею направляем, и zde, во блатах непроходимых вселился еси, совершая постническая труды твоя, по сих же и страдания Христа ради приял еси. Сего ради величаем тя сице:

Радуйся, безмолвия любителю;

Радуйся, Богом данный покровителю;

Радуйся, постом плоть духу покоривый;

Радуйся, бденными молитвами гордыню сокрушивый;

Ра́дуйся, твóрче сетей рыба́цких, иску́сно бе́гающий сетей лука́ваго;

Ра́дуйся, ископа́вый пещéру и пруд в пусты́ни, нарече́нной Ста́рая.

Ра́дуйся, у бре́га э́зера Сини́чья оби́тель основа́вый;

Ра́дуйся, в любви́ и кро́тости Христу́ подража́вый;

Ра́дуйся, преподо́бному́чениче Евфроси́не, пустыннолю́бче и те́плый о нас моли́твенниче.

Кондак 5

Боготéчной звездé среди́ блат и дрему́чих лесóв подо́бна была́ еси́ пусты́ня Синозёрская, преподо́бне, егда́ ру́це твои́ и бра́тий твои́х сотвори́ша в ней храм Бо́жий, Благове́щения Пресвяты́я Богороди́цы имену́емый. И вси приходя́щи во оби́тель сию́ от тебе́, я́ко от исто́чника оби́льнаго, почерпа́ху наставле́ния спаси́тельная, разум бо духо́вен имёл еси́, непреста́нно ко Го́споду взыва́я: Аллилу́иа.

Икос 5

Ви́дяще лю́ди свято́е жити́е твоё, прихожда́ху к тебе́, да спаси́тельныя глаго́лы услы́шат. Ты же,

добрый пастырю, любовью своею и молитвами словесное стадо собрал еси. «Господи, призри на место сие и благослови его», – к Богу взывал еси, преподобне, в трудах непрестанных пребывая; мы же, в лености и во гресех все житие иждившии, восхваляюще любовь твою ко Господу, вопием ти:

Радуйся, преподобных Гурия и Филарета сопричастниче;

Радуйся, обители Синозерския славо и удобрение;

Радуйся, во гресех пребывающих Божий печальниче,

Радуйся, сил небесных хваление;

Радуйся, убежище многим даровавый;

Радуйся, любовью Христовою хладныя сердца согреть;

Радуйся, прилоги вражия поправый;

Радуйся, душу твою храм Святаго Духа соделавый;

Радуйся, преподобномучениче Евфросине, пустыннолюбче и теплый о нас молитвенниче.

Кондак 6

Проповѣдникъ Бѹга истиннаго явилъ еси,
преподобномучениче Евфросине, егда в годину
смѣтную супостаты злыя покрѣша зѣмлю
Русскую; на Голгофу свою смиренно взошел еси,
воспевая Спасителю всех: Аллилуиа.

Икос 6

Воссиял еси паче солнца, егда, прозрев кончину
твою и истощание обители твоея, верным
Бѹгови был еси до смерти, памяствуя, яко
пришел еси сюду умерети Христа ради, обаче под
угрозою гибели от ратных супостат святаго
места пустыннаго не оставил еси. Когда придет
брань, тогда и нужно явити подвиг мужества, –
инока Иону бежати мыслившаго увещевал еси
ты. Мы же, неустрашимость дѹха твоего зряще,
воспеваем тя в песнях таковых:

Радуйся, прозорливче преславный;

Радуйся, Дѹха Святаго крепосте необоримая;

Радуйся, заступниче, нам Бѹгом данный;

Радуйся, молитвы свеще неугасимая;

Радуйся, малодушных ободрение;

Радуйся, от скорбей скорое избавление;

Ра́дуйся, до́брый ко́рмчий, на путь и́стины наставля́яй;

Ра́дуйся, злы́я по́мыслы на́ша искоре́няй;

Ра́дуйся, преподо́бному́чениче Евфроси́не, пустыннолю́бче и те́плый о нас моли́твенниче.

Кондак 7

Хотя́ обе́ты свои́ испо́лнити и ра́ди Христа́ в оби́тели умре́ти, ме́чное посече́ние от руки́ разбо́йническа́я смире́нно прия́л еси́, нас лю́блению́ Бо́га поуча́ющ. Мы же, си́лу Бо́жию, в тебе́ явле́нную, зря́ще, поём Влады́ке всех: Аллилу́ия.

Икос 7

Но́ваго му́ченика яви́ ты нам Госпо́дь, свя́те Евфроси́не, егда́ со преподо́бным Ио́ною у Креста́ сре́тив супоста́ты, мече́м их усече́н был еси́. Та́може честну́ю главу́ твою́ злы́й враг раздроби́. Та́ко преда́л еси́ ду́шу свою́ в ру́це Го́сподеви. Мы же му́ченичество твоё почита́юще, ты похва́лами ублажа́ем си́ми:

Ра́дуйся, пребыва́я те́лом на земли́, мы́слями к го́рнему возлете́вый;

Ра́дуйся, вре́меннаго стра́ха ра́ди любве́ Бо́жией
не устраши́выйся;

Ра́дуйся, му́жественне Ге́фсиманию́ свою́
претерпе́вый;

Ра́дуйся, вы́ну славосло́вити Бо́га внутрь се́рдца
научи́выйся;

Ра́дуйся, вслед Христу́ смире́нно на Голго́фу
свою́ восше́дый;

Ра́дуйся, и́мене Госпо́дня ра́ди пострада́вый;

Ра́дуйся, си́лою Бо́жиею одержа́вый незри́мую
побе́ду;

Ра́дуйся, от Бо́га вене́ц му́ченический прия́вый;

Ра́дуйся, преподо́бномучени́че Евфроси́не,
пустыннолю́бче и те́плый о нас моли́твенниче.

Кондак 8

Стра́нником на землі́ пожи́л еси́, о часе́
кончи́ны твоє́я непреста́нно помышля́я, егда́ же
смерть встрети́л еси́, то и тогда́ моли́твы
Госпо́деви возсыла́я, с любóвию пел еси́ Ему́:
Аллилу́ия.

Икос 8

Вси лю́дие рыда́я кончи́не па́стыря, стеко́шася ко грóбу тво́ему, собо́рне пёвше и погребо́ша святы́я мо́щи тво́я в наро́читом ме́сте оби́тели, ю же основа́л еси́, преподо́бне. Ны́не же в небе́сных селе́ниях пребыва́я, не оста́ви моли́твами тво́ими нас, вопи́ющих ти:

Ра́дуйся, во́ли Бо́жия исполните́лем бы́ти вожде́лэвый;

Ра́дуйся, му́жески к му́ке устремивы́йся;

Ра́дуйся, ме́чное усече́ние любве́ ра́ди ко Го́споду претерпе́вый;

Ра́дуйся, пёрвым христиа́нским му́ченикам уподо́бивы́йся;

Ра́дуйся, заблужда́ющим до́брое вразумле́ние;

Ра́дуйся, бе́дствующим благо́е и ско́рое вспоможе́ние;

Ра́дуйся, я́ко по́мощь и заступле́ния тво́я и по сме́рти не оскудева́ют;

Ра́дуйся, я́ко тво́ими моли́твами злы́я любя́щими бы́вают;

Ра́дуйся, преподо́бномучени́че Евфроси́не, пустыннолю́бче и те́плый о нас моли́твенниче.

Кондак 9

Вся а́нгельская во́инства удиви́шася свято́му жити́ю и во́льным страда́ниям твои́м, преподо́бномучени́че Евфроси́не. Мы же, побéду твою́ над лука́вым восхваля́я, про́сим тя научи́ и нас вы́ну пéти Христу́ Бо́гу: Аллилу́ия.

Икос 9

Вити́я велерéчивия не возмо́гут изрещи́ вся по́двиги твоя́ и страда́ния о Христе́, яже претерпéл еси́. О сих свидéтельствуе́т Сам Госпо́дь, мно́гими чуде́сы от мо́щей святы́х твои́х источа́емыми. Мо́лим тя о вразумлéнии нас, заблудших, и зове́м ти:

Ра́дуйся, бед на́ших прогоните́лю;

Ра́дуйся, серде́ц маловер́ных в ве́ре укреплéние;

Ра́дуйся, о спасéнии душ ре́вностный рачите́лю;

Ра́дуйся, сла́вляций Бо́га немóчными песнопéньми;

Ра́дуйся, мирски́я лю́ди хранити́ себе́ ра́ди чад наставля́я;

Ра́дуйся, Бо́гу рабо́тающих не оста́вляяй;

Ра́дуйся, ко́зней бесо́вских разруши́телю;

Ра́дуйся, к исполне́нию во́ли Бо́жией
путево́дителяю;

Ра́дуйся, преподо́бномучени́че Евфроси́не,
пустыннолю́бче и те́плый о нас моли́твенниче.

Кондак 10

Спасти́ хотя́ всех, Человеколю́бец Госпо́дь яви
нам тя, преподо́бне, да́ мы, зря́ще богоуго́дное
жити́е твоё, благоче́стию поучи́мся. Помози́ же
нам, свя́те, немо́щным, моли́твами твои́ми,
бога́тство и сла́ву ми́ра сего́ тле́ннаго презре́ти и
Го́сподеви с лю́бовию и трéпетом рабо́тати,
пою́ще Ему́: Аллилу́ия.

Икос 10

Стéнами крéпкими сокры́ лука́вый чудотво́рныя
мо́щи твоя́ в го́дину лю́тых гонéний на Це́рковь
Христо́ву, обаче не вжига́ют свети́льника и не
поставля́ют его́ под спúдом, но на све́щнице, да
свéтит всем, тако́ и ты, свеще́ негаси́мая, чрез
лета́ мно́гая ве́рныя обрето́ша па́ки. Сла́вим
Го́спода, возвраща́шаго нам чудотво́рныя мо́щи
твоя́, и с лю́бовию поём ти:

Ра́дуйся, Бо́гови ве́рный служи́телю;
Ра́дуйся, стра́ха сме́рти искоре́нтелю;
Ра́дуйся, все бога́тство твоё в Бо́зе положи́вый;
Ра́дуйся, по́двигами подо́бен дрéвним отце́м
бы́вый;
Ра́дуйся, помо́щниче обездо́ленным и убо́гим;
Ра́дуйся, прогони́телю из серде́ц на́ших
самолю́бия и ле́сти;
Ра́дуйся, к други́м ми́лостивый, к себе́ стро́гий;
Ра́дуйся, Бо́гом дарова́нная нам кре́посте;
Ра́дуйся, преподо́бномучени́че Евфроси́не,
пустыннолю́бче и те́плый о нас моли́твенниче.

Кондак 11

Пе́ние похва́льное приими́ от нас,
преподо́бномучени́че сла́вный, и я́ко засту́пниче
усе́рдный моли́ Бо́га да не у́мрем безпокая́нны,
да, непреста́нно па́мятствовав о сме́рти,
сря́щем чи́стым се́рдцем час кончи́ны своея́ и
сподо́бимся с тобо́ю пе́ти Бо́гу: Аллилу́иа.

Икос 11

Свещá светозáрная был еси́, преподо́бне, в землѣ Устюжѣнстей тьмѹ невѣрiя озаряюще, ны́не же просвети́ умы́ и сердца́ наша́, грехомъ омраченныя, да зовѣм ти:

Ра́дуйся, радостью́ непрестáнною исполнивыйся;

Ра́дуйся, образъ жизни́ непорочныя́ показавый;

Ра́дуйся, чистотою́ житiя́ Ангеломъ уподобивыйся;

Ра́дуйся, любовь́ к Бо́гу и бли́жнему стяжавый;

Ра́дуйся, звездó путь ко спасѣнию указующая;

Ра́дуйся, кончи́ны мученичестей сретѣние ликующее;

Ра́дуйся, от обидъ свободжая;

Ра́дуйся, прощѣнию́ и терпѣнию́ нас наставляя;

Ра́дуйся, преподобномучениче́ Евфросiне, пустыннолю́бче и тёплый о нас моли́твенниче.

Кондак 12

Благода́ть, да́нную ти от Бо́га ве́дуще, припадаем ти, свя́те о́тче, и про́сим приле́жно:

моли́ Го́спода Вседержи́теля, да храни́т Це́рковь Свою́ от раско́ла, да да́рует стране́ на́шей мир и оградит ю́ от всяка́го зла, да пода́ст нам вся, я́же ко спасе́нию полёзная, да воспои́м благода́рственне Бо́гу: Аллилу́иа.

Икос 12

Пою́ще Бо́га, просла́вльшаго тя, восхваля́ем чи́стое жити́е, по́двиги и чуде́са тво́я, Евфроси́не богому́дре; ты бо всем се́рдцем Бо́га возлюбив, преда́ся Ему́, кончи́ны му́ченическаго не отринув, за Христа́ во́льно пострада́л еси. Вене́ц сла́вы от Бо́га прия́л еси́. ны́не же пред ли́цем Царя́ ца́рствующих предсто́я, моли́ о нас приле́жно, да мы в исправле́ние прииде́м и ты воспо́ем си́це:

Ра́дуйся, преда́ния святы́х отец храни́телю;

Ра́дуйся, любому́дрия учи́телю;

Ра́дуйся, от озлобле́ния се́рдца на́ша избавля́я;

Ра́дуйся, слепоту́ неве́дения отыма́я;

Ра́дуйся, свети́льниче светоза́рный, ко Христу́ люде́й мно́жества приве́ды;

Ра́дуйся, ста́рче любоще́дрый;

Ра́дуйся, всем смире́нным мольба́м внима́я;

Ра́дуйся, нико́гоже без по́мощи не оставля́й;

Ра́дуйся, преподо́бномучени́че Евфроси́не,
пустыннолю́бче и те́плый о нас моли́твенниче.

Кондак 13

О пресла́вный уго́дниче Хри́стов и предивный
чудоотво́рче, преподо́бномучени́че Евфроси́не,
приими́ си́е ма́лое моле́ние на́ше и умоли́
Всеми́лостиваго Бо́га пока́яние соверше́нное
нам дарова́ти, ко пра́ведному жити́ю нас
напра́вити, бу́ди нам в час сме́ртный
предста́тель кре́пкий, да сподо́бимся в Небе́сном
Ца́рствии ку́пно с тобо́ю пе́ти Бо́гу Спаси́телю
на́шему: Аллилу́иа.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НУЖЕ
НЕБО**